



588/4-1/21
26-01-2021

ონის მუნიციპალიტეტს

როგორც მოგეხსენებათ, საქართველოს პარლამენტის გენდერული თანასწორობის საბჭოს ფარგლებში განხორციელდა თემატური მოკვლევა „**პროფესიული განათლება ქალთა ეკონომიკური გაძლიერებისთვის**“. თემატური მოკვლევის ჯგუფმა შეიმუშავა ანგარიში, რომელიც გამოქვეყნდა 2019 წელს. ანგარიშში მოცემულია რეკომენდაციები კონკრეტული უწყებების მიმართ.

თემატური მოკვლევის „პროფესიული განათლება ქალთა ეკონომიკური გაძლიერებისთვის“ ფარგლებში თემატური მოკვლევის ჯგუფმა შეისწავლა სამთავრობო პოლიტიკა, სტრატეგიები და ადგილობრივი პოლიტიკა ქალებისთვის პროფესიული განათლების ხელმისაწვდომობის კუთხით. თემატური მოკვლევის ანგარიშში წარმოდგენილი მიგნებები ეფუძნება მოკვლევის მრავალმხრივი ჩართულობით წარმართულ პროცესს, რომელშიც გათვალისწინებულია როგორც წერილობითი მოსაზრებები, ისე - საქართველოს პარლამენტში გამართული ორი ზეპირი მოსმენის შედეგები და პროფესიულ განათლებაზე უკვე არსებული კვლევები.

ანგარიშში მოცემულია ის დაბრკოლებები, რომლებიც ხელს უშლის ქალებს ჩაერთონ პროფესიული განათლებისა და გადამზადების პროგრამებში. მიუხედავად იმისა, რომ პროფესიულ განათლებაში ჩართული ქალებისა და კაცების თანაფარდობა მკვეთრად განსხვავებული არ არის (ქალები - 43%), გასათვალისწინებელია რამდენიმე ფაქტორი. ერთი მხრივ, პროფესიული განათლების სფეროში კაცებისთვის მთავარი დაბრკოლებაა ის ფაქტი, რომ პროფესიული სასწავლებლის სტუდენტობა მათ არ ათავისუფლებს სავალდებულო სამხედრო სამსახურისგან და ამის გამო წვევამდელი ასაკის კაცები უარს ამბობენ პროფესიულ განათლებაზე (ან ფორმალურად არიან ჩარიცხული უმაღლეს სასწავლებლებში და პარალელურად ეუფლებიან პროფესიულ განათლებას), მეორე მხრივ, არსებული ბარიერების გამო ქალები არ ერთვებიან პროფესიული სწავლებისა და გადამზადების სისტემაში. აუცილებელია განვასხვავოთ 15-24 წლის გოგონებისა და ზრდასრული ქალების ჯგუფების განსხვავებული მდგომარეობა. ზრდასრული ქალებისთვის ბევრად ხელსაყრელია მომზადებისა და გადამზადების კურსები, მათი ხანგრძლივობიდან და დასაქმებისთვის საჭირო პროფესიის სწრაფად დაუფლების პერსპექტივიდან გამომდინარე.

მოკვლევის ფარგლებში გამოვლენილი მიგნებების შესაბამისად მუნიციპალიტეტების მიმართ შემუშავდა შემდეგი რეკომენდაციები:

1. მიმდინარე დეცენტრალიზაციის სტრატეგიის განხორციელების კონტექსტში აუცილებელია ადგილობრივი თვითმმართველობის როლის გათვალისწინება. კერძოდ, ადგილობრივ დონეზე უნდა გადაიჭრას ტრანსპორტირების, მუნიციპალური

ტრანსპორტის, ბაღების, სკოლებისა და სასწავლებლების ინფრასტრუქტურული საკითხი.

2. საჭიროა ეფექტურად იყოს გამოყენებული ბავშვთა ოთახებზე უკვე არსებული წარმატებული პრაქტიკა (კაჭრეთი, ზუგდიდი) და, ამ მხრივ, მუნიციპალიტეტებმა გამოიყენონ ქალთა ოთახების არსებული რესურსი.
3. საჭიროა დაინერგოს სტიპენდიების პრაქტიკა, რაც მეტად გააძლიერებს გოგონებსა და ქალებს პროფესიის დაუფლების ეტაპზე.
4. აუცილებელია, შეღავათებისა და უპირატესობის მხრივ გათანაბრდნენ უმაღლესი სასწავლებლებისა და პროფესიული სასწავლებლების სტუდენტები, რაც გაზრდის პროფესიული განათლების პრესტიჟს და გააუმჯობესებს სტუდენტების სოციალურ მდგომარეობას.
5. პროფესიული სასწავლებლებისთვის აუცილებელია დუალური პროგრამების დანერგვა (ბიზნესთან თანამშრომლობით), საერთო საცხოვრებლის ქონა, ფიზიკური ხელმისაწვდომობა (ფილიალები), რათა უფრო მიმზიდველი გახდეს პროფესიული განათლება.

გარდა ზემოაღნიშნულისა, საქართველოს პარლამენტის ადამიანის უფლებათა დაცვისა და სამოქალაქო ინტეგრაციის კომიტეტის ფარგლებში განხორციელდა თემატური მოკვლევა **„შეზღუდული შესაძლებლობის მქონე ქალებისა და გოგონებისთვის ჯანდაცვის სრვისების მისაწვდომობის შესახებ“**. თემატური მოკვლევის ჯგუფმა შეიმუშავა ანგარიში, რომელიც გამოქვეყნდა 2019 წელს. ანგარიშში მოცემულია რეკომენდაციები კონკრეტული უწყებების მიმართ.

თემატური მოკვლევის ჯგუფის მიზანი იყო სამთავრობო და ადგილობრივი თვითმმართველობის მიერ დაფინანსებული ჯანმრთელობისა და სოციალური დაცვის პროგრამებში შეზღუდული შესაძლებლობის მქონე ქალებისა და გოგონების ჩართულობისა და არსებული სამედიცინო მომსახურებების შესწავლა, რათა ხელი შეეწყოს შშმ ქალებისა და გოგონების ჯანმრთელობის უფლების სრულყოფილ რეალიზაციას. ამასთანავე, მოკვლევის ფარგლებში შშმ ქალებისა და გოგონების მიერ გამოვლინდა ის სერვისები თუ პროგრამები, რომლებიც მათი ავტონომიურობის მაქსიმალურად მაღალი ხარისხის მიღწევას შეუწყობს ხელს და უზრუნველყოფს მათი ჯანმრთელობის უფლების სრულყოფილ რეალიზაციას. მოკვლევის შედეგად შემუშავდა მთელი რიგი რეკომენდაციები და წინადადებები საქართველოს საკანონმდებლო და აღმასრულებელი ხელისუფლების ორგანოებისთვის. ასევე გამოიკვეთა მიგნებები ადგილობრივი თვითმმართველობების ორგანოების საქმიანობასა და პრიორიტეტებთან დაკავშირებით.

მოკვლევის ფარგლებში თქვენი უწყების მიმართ შემუშავდა შემდეგი რეკომენდაციები:

1. განხორციელდეს სატრანსპორტო საშუალებათა და საგზაო ინფრასტრუქტურის ადაპტირება შეზღუდული შესაძლებლობის მქონე პირებისთვის, საჭიროების შემთხვევაში კი ამ პირთა ინტერესების გათვალისწინებით შეიძინონ ახალი სატრანსპორტო საშუალებები.
2. დაინერგოს შეზღუდული შესაძლებლობის მქონე პირებისათვის სივრცის მოწყობის პროცესში ეფექტური აღსრულებისა და ზედამხედველობის მექანიზმი. მისაწვდომობის უზრუნველყოფის მიზნით, კანონმდებლობისა და პროგრამების შემუშავებისას ცენტრალურ და ადგილობრივ დონეზე მაქსიმალურად იქნეს

უზრუნველყოფილი შეზღუდული შესაძლებლობის მქონე პირთა, მათ შორის ქალების ჩართულობა.

3. შემუშავდეს მხარდამჭერი პროგრამები შშმ პირების ოჯახის წევრებისთვის.
4. მუნიციპალური სპორტული დარბაზები მოერგოს უნივერსალური დიზაინის პრინციპს.
5. ღია ცის ქვეშ არსებული მუნიციპალური სპორტული კუთხეები (ე.წ. სპორტული დარბაზები ღია ცის ქვეშ) მოერგოს უნივერსალური დიზაინის პრინციპს.

მოცემული რეკომენდაციების შესრულების მონიტორინგის მიზნით, საქართველოს პარლამენტის რეგლამენტის 148-ე მუხლის პირველი პუნქტის საფუძველზე, მოგმართავთ თხოვნით, მოგვაწოდოთ სრულყოფილი ინფორმაცია თვითოეული რეკომენდაციის შესრულების მიზნით რა ღონისძიებები განახორციელა უწყებამ თავისი კომპეტენციის ფარგლებში. ასევე გთხოვთ, მიუთითოთ ის რეკომენდაციები რომელთა შესრულებაც რელევანტური აღარ არის, ვინაიდან შესაბამისი არგუმენტაციის გათვალისწინებით არ არის მიზანშეწონილი ან/და სხვა ტიპის ღონისძიებებით უკვე მიღწეულია დასახული მიზანი. ასევე, გთხოვთ, გვაცნობოთ ის შეუსრულებელი რეკომენდაციები, რომლებზეც უწყება სამომავლოდ გეგმავს მუშაობას.

დანართი:

(1) „პროფესიული განათლება ქალთა ეკონომიკური გაძლიერებისთვის“ თემატური მოკვლევის ანგარიში - 37 (ოცდაჩვიდმეტი) გვერდი.

(2) „შეზღუდული შესაძლებლობის მქონე ქალებისა და გოგონებისთვის ჯანდაცვის სერვისებზე მისაწვდომობის შესახებ“ თემატური მოკვლევის ანგარიში - 70 (სამოცდაათი) გვერდი.

პატივისცემით,

პარლამენტის წევრი
ნინო წილოსანი



N 04-370
04/02/2021

370-02-2-202102041430



საქართველოს პარლამენტის წევრს

ქალბატონ ნინო წილოსანს

ქალბატონო ნინო,

თქვენი, მიმდინარე წლის 26.01.2021 N588/4-1/21 წერილის პასუხად, რომელიც შეეხება საქართველოს პარლამენტის გენდერული საბჭოს ფარგლებში განხორციელებულ თემატურ მოკვლევას „პროფესიული განათლება ქალთა ეკონომიკური გაძლიერებისათვის“ და შესაბამისად მუნიციპალიტეტების მიმართ შემუშავებულ რეკომენდაციებს, ასევე საქართველოს პარლამენტის ადამიანის უფლებათა დაცვისა და სამოქალაქო ინტეგრაციის კომიტეტის ფარგლებში განხორციელებულ თემატურ მოკვლევას „შეზღუდული შესაძლებლობის მქონე ქალებისა და გოგონებისათვის ჯანდაცვის სერვისების მისაწვდომობის შესახებ“ და შესაბამისად მუნიციპალიტეტების მიმართ შემუშავებულ რეკომენდაციებს, გაცნობებთ, შემდეგს:

- ონის მუნიციპალიტეტში დიდი ყურადღება ეთმობა მუნიციპალურ ტრანსპორტს, ბაღების და სკოლების ინფრასტრუქტურული პროექტების განხორციელებას. აღსანიშნავია, რომ 2020 წლის 4 დეკემბერს დაიწყო და 2021 წლის 1 აგვისტოს დამთავრდება ა(ა)იპ ონის მუნიციპალიტეტის ბაგა-ბაღის სარეაბილიტაციო-სარემონტო სამუშაოები თანხით 699 900 ლარი.
- პრიორიტეტს წარმოადგენს სკოლებში სტანდარტის შესატყვისი გარემოს შექმნა. 2020 წელს სოფელ ღების საჯარო სკოლის შენობის სარეაბილიტაციო სამუშაოებისთვის დაიხარჯა 44 276 ლარი, დასრულდა სოფელ შეუბნისა და ღარის საჯარო სკოლების არსებული სველი გარე წერტილების დემონტაჟი, ახლის მონტაჟი და წყალ-კანალიზაციის მოწყობა თანხით - 12,718 ლარი, სარეაბილიტაციო სამუშაოები ჩაუტარდა სოფელ ჭიორის სკოლას 94.999 ლარის, სოფელ პიპილეთის საჯარო სკოლას 203.989 ლარის ღირებულებით.
- მუნიციპალიტეტში არ ფუნქციონირებს ბავშვთა და ქალთა ოთახები.
- მუნიციპალიტეტში არ ფუნქციონირებს პროფესიული სასწავლებელი, თუმცა ძალიან მნიშვნელოვანია, სახელმწიფოს დაფინანსებით შეიქმნას ახალი პროფესიის შეძენის ან უნარების განახლების, რეგიონისა და მუნიციპალიტეტის საჭიროებებზე მორგებული პროფესიული პროგრამების/კურსების განხორციელების შესაძლებლობები, რადგან ჯერ კიდევ 2019 წლის სექტემბერ-

ოქტომბერში ჩატარებული მარკეტინგული კვლევის საფუძველზე გამოიკვეთა მოთხოვნა იმ პროფესიულ-საგანმანათლებლო პროგრამების ჩამონათვალზე, რომელიც არა მხოლოდ პასუხობდა ადგილობრივი დამსაქმებლების მოთხოვნებს, არამედ ხელს უწყობდა თვითდასაქმებას: აგრომექანიზაცია; გამოყენებითი ხელოვნება; ინფორმაცია და საკომუნიკაციო ტექნოლოგიები; მშენებლობის წარმოება; სამკერვალო წარმოება; სასტუმრო, რესტორანი, კვება; სატყეო საქმე; ტუროპერატორი; შედუღება; ხის, ქვისა და ლითონის მხატვრული დამუშავება. მიმდინარე წელს, ვგეგმავთ მარკეტინგული კვლევის ჩატარებას ახალი პროფესიული სტანდარტების შესაბამისად.

- ამასთან ვიზიარებთ თქვენს პოზიციას, რომ აუცილებელია შეღავათებისა და უპირატესობების მხრივ გათანაბრდნენ უმაღლესი და პროფესიული სასწავლებლების სტუდენტები, მათთვის დაინერგოს დუალური პროგრამები ბიზნესთან თანამშრომლობით,

- მუნიციპალიტეტში ხორციელდება ღია სპორტული მოედნების, მუნიციპალური სპორტული დარბაზების ადაპტირება შეზღუდული შესაძლებლობის მქონე პირებისთვის, მომავალში იგეგმება საგზაო ინფრასტრუქტურისა და ღია ცის ქვეშ არსებული მუნიციპალური სპორტული კუთხეების ადაპტირება. რაც შეეხება მხარდამჭერი პროგრამების შემუშავებას შშმ პირების ოჯახის წევრებისათვის, ასეთი პროგრამა მუნიციპალიტეტში განხორციელდა 2019 წელს მუნიციპალიტეტის მერიის განათლების, კულტურის, სპორტის, ახალგაზრდობის საქმეთა, სოციალური და ჯანმრთელობის დაცვის სამსახურის ინიციატივით. შშმ და სსსმ პირებისთვის, მათი პედაგოგებისა და ოჯახის წევრებისთვის ჩატარდა ტრენინგების ციკლი ხელოვნებით თერაპიაში სამ ეტაპად, რომლის გაგრძელებაც 2020 წელს Covid-19 პანდემიის გამო შეუძლებელი გახდა, თუმცა, წელს დაგეგმილია ტრენინგების კიდევ ორი ციკლი და საბოლოოდ ონის მუნიციპალიტეტის შშმ და სსსმ პირები მიიღებენ თერაპიის კაბინეტს, რომელიც ხელს შეუწყობს მათი ჯანმრთელობის უფლების რეალიზაციას.

პატივისცემით,

დავით ჩიკვაიძე



მუნიციპალიტეტის მერი